

<https://news.usm.my>

Berita Mutakhir

24 SEP

DBKL RAKAN STRATEGIK BAHARU PIPPA



USM, PULAU PINANG, 20 September 2016 – Universiti Sains Malaysia (USM) melalui Pusat Inovasi dan Produktiviti Perkhidmatan Awam (PIPPA) akan berkolaborasi dengan Institut Latihan Dewan Bandaraya Kuala Lumpur (ILDBKL) dalam penganjuran latihan bagi pembangunan modal insan.

Menurut Pengarah PIPPA Dr. Musa Ali, hasil perbincangan kedua-dua pihak, kata sepakat telah dicapai termasuk berkongsi fasiliti dalam penganjuran aktiviti pembangunan modal insan di kedua-dua lokasi dan bekerjasama dalam penyelidikan khususnya yang berkaitan dengan usaha mengoptimumkan penggunaan sumber manusia.

“Semasa pertemuan tersebut, kedua-dua pihak telah berkongsi maklumat khususnya berkenaan agenda pembangunan modal insan dalam kalangan kakitangan awam,” tambah Musa ketika lawatan rasmi ILDBKL yang diketuai oleh Timbalan Pengetuanya, Khairul Anuar Mhd Juri.

DBKL adalah antara Pihak Berkuasa Tempatan di Malaysia yang mempunyai institut latihan sendiri yang ditubuhkan bertujuan untuk menyediakan latihan dan aktiviti pembangunan staf kepada 10,000 orang staf DBKL.



ILDBKL menawarkan aktiviti latihan dalam sembilan bidang utama yang menjadi teras pembangunan staf DBKL iaitu Pengurusan, Bangunan, Perancangan Bandar, Kejuruteraan, Kesihatan, Teknologi Maklumat, Lanskap, Kewangan dan Penguatkuasaan.

Hasil daripada perbincangan itu juga, kedua-dua pihak akan mengenalpasti bidang-bidang strategik dan sesuai untuk tujuan kolaborasi di samping membangunkan kerangka kompetensi yang diperlukan oleh pihak DBKL.

Teks: Nor Rafizah Md. Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015

